

tanquam in unum corpus redactam edidi, & quaesivi genus verborum, quo ad proprietatem, quae ad perspicuitatem & concordiam utilis est, discentes assuescerent, ac semper omnia scripta iudicio Ecclesiae nostrae, & ipsius Lutheri permisi: de multis questionibus etiam disertè sciscitatus sum Lutherum, quid sentiret, & multi pagellarum istarum exempla adhuc habent. In eius doctrina professione, quam scio perpetuum esse consensum Ecclesiae Catholicae D. N. I. C. & nunc Deum inuoco, & iuuante ipso hanc confessionem ad aeternae Ecclesiae consuetudinem afferam &c: Et ne quis, ut hodie multi sunt, perhibeat, aliud in quibusdam doctrinae capitibus sensisse & scripsisse Philippum, quam Lutherum, confutat hos ipse Philippus, non schedis, quas deformatores Lutheri & Philippi, alicunde surreptas & conuasatas ostentare conantur, sed publicis & toti Ecclesiae traditis & commendatis scriptis. Sic enim inquit in quarto operum suorum tomo in formula concordiae de controuersis articulis: Deo iuuante, primum consensum in Ecclesijs nostris omnibus fideliter tueri volumus, iuxta Confessionem Augustae exhibitam, & Apologiam, & articulos à Luthero scriptas, quibus additae sunt subscriptiones in conuentu Smalcaldensi, nec recepturi sumus vlla dogmata pugnancia cum ea doctrina. Nec dubitamus doctrinam Confessionis nostrae veram, & veterem Ecclesiae Dei Catholicae sententiam esse.

Et